

宋刊
十三經注疏
附校勘記

左傳十三

宋刊十三經注疏校記

附釋音春秋左傳注疏卷第四十六

昭十三年

杜氏注

孔穎達疏

經十有三年春叔弓帥師圍費

不書南蒯以費叛不以告廟○費音秘

疏

注不書至告廟○正義曰定八年傳云陽虎入于謹

陽關以叛注云叛不書略家臣則此亦為略家臣故不告廟也以不告廟故史不得書二注互相備

○夏四月楚公子比自晉歸于楚弑

其君虔于乾谿

比去晉而不送書歸者依陳蔡以入言陳蔡猶列國也比歸而靈王死故書弑其君靈王無道而弑稱臣比非首謀而反書弑比雖脅立猶以罪加

也靈王死在五月又不在乾谿楚人生失靈王故本其始禍以赴之○谿苦兮反

疏

注比去至赴之○正義曰傳稱依陳蔡人以國許復其國而藉其力○書為歸言是陳蔡納之釋例

曰韓魏有耦國之彊陳蔡有復國之端故晉趙鞅楚公子比皆稱歸從諸侯納之例言非晉楚之所能制是其義也計靈王無道於國其弑不應稱臣又比為觀從所許迫脅而立非是弑君首謀

而反書比弑君者比歸而王死故書比弑其君比雖被脅而立靈王為比而死雖非比弑猶以弑君之罪加比哀六年注云楚比劫立陳乞流涕子家憚老皆疑於免罪故春秋明而書之以為弑

主釋例曰昔鄭之歸生齊之陳乞楚公子比雖本無其心春秋之義亦同大罪是以君子慎所以立也其意以為弑君之惡惡之大者雖則本無其心君實由之而死若舍而不責則下無所忌故

書其名成其罪所以示來世勸後人為教之遠防也靈王見弑實由無道但欲見比罪故稱臣名非言靈王為有道猶如宣二年晉趙盾弑其君夷臯釋例曰傳言靈公不君又以明於例此弑宜

稱君也弑非趙盾而經不變文者以示良史之意深責執政之臣彼為章盾之罪稱臣名此亦為章比之罪稱臣各非言靈王不合弑稱君也又傳稱五月王縊于羊尹申亥氏他年申亥以王極

告則靈王死在五月其死又不在乾谿而經書四月比弑其君虔于乾谿者楚人生失靈王告時未知死否但以乾谿之地失王以為王必死矣本其始禍故以四月弑君起也劉炫云比以四月

歸既歸而王死

楚公子棄疾殺公子比

比雖為君而未列於諸侯故不稱爵殺而不稱人罪棄疾

疏

注比雖至棄疾故以云云同

曰諸侯不受先君之命而篡立得與諸侯會者則以成君書之齊商人蔡侯般之屬是也若未得接於諸侯則不稱爵楚公子棄疾殺公子比蔡人殺陳佗齊人殺無知衛人殺州吁公子瑕之屬

是也諸侯篡立雖以會諸侯為正此列國之制也至於國內策名委質即君臣之分已定故諸殺不稱君亦與成君同義也傳曰會于州以定公位又云若有罪則君列諸會矣此以會為斷也衛

州吁齊無知皆弑君自立其死稱人以殺此比亦弑君而立不稱人以殺而云棄疾殺者棄疾利比之位而殺之其意不得為討賊不稱人所以罪棄疾也釋例云比既得國國人驚亂棄疾從而扇之比懼自殺皆棄疾之由故書公子棄疾殺公子比是言不稱弑其君又說罪棄疾之意也 ○秋公會劉子晉侯齊侯宋公衛侯鄭

伯曹伯莒子邾子滕子薛伯杞伯小邾子于平丘 平丘在陳留長垣縣西南○垣音袁 八月甲戌

同盟于平丘 書同齊服故 公不與盟 魯不堪晉求讒惡弘多公不與盟非國惡故不諱○與音預注同惡他得反 疏 注魯不至不諱○正義曰

宣七年公會晉侯云云于黑壤傳曰晉侯之立也公不朝焉又不使大夫聘晉人止公子會盟于黃父公不與盟以賂免故黑壤之盟不書諱之也皮公不與盟諱而不書此書之者彼不相朝聘公實有罪諱國之惡故不書其盟此時公實無罪非是國惡故書而不諱襄三十二年傳曰晉公室卑政在侈家韓宣子為政不能圖諸侯魯不堪晉求讒惡弘多是以有平丘之會此年傳云邾人莒人怨于晉曰魯朝夕伐我幾亡矣注云自昭公即位邾魯同好又不朝夕伐莒無故怨邾晉人信之所謂讒惡弘多是言晉受讒言公無罪非國惡故不諱也 晉人執季孫意

如以歸公至自會 傳無 ○蔡侯廬歸于蔡 廬音廬又力居反 陳侯吳歸于陳 陳蔡皆受封于

楚故稱爵諸 疏 注陳蔡至曰歸○正義曰公羊傳曰此皆滅國也其言歸何不與諸侯專封也侯納之曰歸 其意言諸侯不得專封不與楚封陳蔡使若陳蔡之君自有國而歸之然以是

故稱爵言歸若言各自有爵非由楚也杜以傳言平王封陳蔡又二君之歸再言禮也則與滅繼絕是為得禮無有不與楚封之事也二者皆是舊國立君紹其先祀襲其封爵爵是先世之爵非楚今始立之故言陳蔡皆受封于楚已立為侯故稱爵以歸國非入國始為君也禮諸侯不生名二君皆書名者稱爵以其受封于楚書名以其未成為君稱名稱爵兩見之也諸侯納之曰歸成十八年 傳例 ○冬十月葬蔡靈公 蔡復而後以君禮葬之 ○公如晉至河乃復 晉公 ○吳滅州

來 州來楚邑用 疏 注州來至曰滅○正義曰州來楚邑不繫楚者大都以各通者例皆不繫國用大師焉曰滅襄十三年傳例

傳十三年春叔弓圍費弗克敗焉 為費人所敗不書諱之 平子怒令見費人執之以

為囚俘治區夫曰非也 區夫魯大夫○俘芳夫反治音也區烏侯反一音丘于反 疏 非也○正義曰非三代服叛之道也 若見費

人寒者衣之飢者食之爲之令主而共其乏困費來如歸南氏亡矣民

將叛之誰與居邑若憚之以威懼之以怒民疾而叛爲之聚也若諸侯

皆然費人無歸不親南氏將焉入矣平子從之費人叛南氏費叛南氏在明年

言其效。衣於既反食音嗣共音恭憚待旦
反爲之聚也于僞反焉于虔反效戶孝反
疏 民疾至聚也。正義曰季氏既執費人人人皆憎疾季氏而叛之爲南氏之積聚也。○

楚子之爲令尹也殺大司馬薳掩而取其室在襄三十年。薳于委反掩於檢反及即位奪

薳居田居掩之族言薳氏所以怨遷許而質許圍遷許在九年圍許大夫。質音致蔡洧有寵於王王之

滅蔡也其父死焉楚滅蔡在十一年消仕楚其父在國故死。消于軌反王使與於守而行使消守國王行至乾谿。與音

又反疏 楚子至而行。正義曰易稱善不積不足以成名惡不積不足以滅身小人以小善爲無益而弗爲以小惡爲無傷而弗去也故惡積而不可撓罪大而不可解至於滅

身申之會越大夫戮焉申會在四年**疏** 申之至戮焉正義曰王肅云越大夫常壽過也申之會經書淮夷而不書越者以常壽過有罪不得列會

故不書越也戮者陳其罪惡以徇諸軍言將王奪鬬韋龜中犢韋龜令尹子文立孫中犢邑名。犢尺州反又

奪成然邑而使爲郊尹成然韋龜子郊尹治蔓成然故事蔡公蔡公棄疾也故猶舊也韋龜以

棄疾有當璧之命故使成然事之。蔓音萬故薳氏之族及薳居許圍蔡洧蔓成然皆王所不禮

也因羣喪職之族啓越大夫常壽過作亂常壽過申會所戮者。喪息浪反過古禾反**疏** 故薳至成然。○正義

曰言族者以掩旣被殺唯有族存故言族也韋龜成然皆被奪邑所以不數韋龜而獨數成然者以是時韋龜已死故不言之上言奪邑者積王之惡見成然怨恨之深猶父子被奪故也

圍城克息舟城而居之息舟楚邑城之堅固者**疏** 圍固至居之。正義曰圍固城城之固者克息舟息舟卽是其一也以圍時有所毀故更

十三經注疏 春秋左傳四十六 昭公 二

城而觀起之死也其子從在蔡事朝吳觀起死在襄二十二年朝吳故蔡大夫聲子之子○從如字朝如字注故蔡

予之子○正義曰言故蔡大夫者此時蔡滅見為楚縣吳大夫聲子之子○從如字朝如字注故蔡

試之觀從以父死怨楚故欲試作亂以蔡公之命召子干子皙二子皆靈王弟元年子干奔晉子皙奔鄭○晉星厓反及郊而

告之情告以蔡公不知謀強與之盟入襲蔡蔡公將食見之而逃不知其故驚起辟之○強其丈反

疏強與之盟○正義曰二子聞非蔡公之命欲還故觀從強與之盟遂入襲蔡觀從使子干食坎用牲加書而速行

使子干居蔡公之牒食蔡公之食並偽與蔡公盟之徵驗以示眾已徇於蔡已觀從也○已音紀徇似俊反曰蔡公召二子將納之

與之盟而遣之矣將師而從之許言蔡公將以師助二子蔡人聚將執之執觀從辭曰失賊

成軍而殺余何益乃釋之賊謂子干子皙也言蔡公已成軍殺已不解罪朝吳曰二三子若能死亡則

如違之以待所濟言若能為靈王死亡則可違蔡公之命以待成敗所在○為于偽反若求安定則如與之以濟所

欲言與蔡公則可得安定且違上何適而可言不可違上也上謂蔡公眾曰與之乃奉蔡公召二子而

盟于鄧潁川召陵縣西南有鄧城二子子干子皙依陳蔡人以國國陳蔡而依之疏依陳蔡人以國正義曰二子更無兵眾唯依倚陳蔡人耳以國者許

為復其國以楚公子比子皙公子棄疾蔡蔓成然蔡朝吳帥

陳蔡不羹許葉之師因四族之徒四族蒧氏許圍蔡消蔓成然○羹音郎葉始涉反以入楚及郊陳

蔡欲為名故請為武軍欲築壘壁以示後人為復讎之名蔡公知之曰欲速且役

病矣請藩而已乃藩為軍藩籬也○藩方元反注同離也依字應作籬今作離假借也力知反疏蔡公至而已○正義曰蔡公知之知陳蔡人之

情也蔡公楚之公子猶向吝惜本國恥有報讎之名築壘以示後世故請藩而已蔡公使須務牟與史俾先人因正僕人

殺大子祿及公子罷敵須務牟史俾楚大夫蔡公之黨也正僕大子之近官○牟亡侯反

徐甫綯反一音蒲買反**疏**正僕人○正義曰大僕也周禮下大夫二人公子比為王公子黑肱為令尹次于魚陂

竟陵縣城西北有甘魚陂○陂彼宜反公子弃疾為司馬先除王宮使觀從從師于乾谿而遂告

之從乾谿之師且曰先歸復所後者剽剽截鼻○剽魚器反截鼻之刑師及訾梁而潰靈王還至訾梁

而眾散○訾子斯反注同潰戶內反王聞羣公子之死也自投于車下曰人之愛其子也亦如

余乎侍者曰甚焉小人老而無子知擠于溝壑矣擠除也○擠子細反說文云排也一音子禮反壑許谷反

類直除直王曰余殺人子多矣能無及此乎右尹子革曰請待于郊以聽國人國聽

人之所與王曰眾怒不可犯也曰若入於大都而乞師於諸侯王曰皆叛矣曰若

亡於諸侯以聽大國之圖君也王曰大福不再祇取辱焉然丹乃歸于楚

然丹子革奔王而歸楚○祇音支王淞夏將欲入鄢夏漢別名順流為淞順漢水南至鄢○淞以全反夏戶雅反漢水也鄢徐於建反一音於晚反入本又作至

芊尹無宇之子申亥曰吾父再奸王命謂斷王旌執人於章華宮○芊于付反徐文音羽奸音干斷丁管反王弗誅

惠孰大焉君不可忍惠不可弃吾其從王乃求王遇諸棘園以歸棘里名園門也

○棘園音韋孔晁注棘里名園門也○正義曰吳語云昔楚靈王不君其臣箴諫不入其民云棘楚邑園巷門**疏**不忍饒勞之殃三軍叛王於乾谿王獨行屏營彷徨於山林之中三日乃

見其消人疇王呼之曰余不食三日矣疇趨而進王枕其股以寢於地王寐疇枕王以塊而去之

王覺而無見也乃匍匐將入於棘園棘園不納乃入芊尹申亥氏焉孔晁曰棘楚邑園門也案襄
十三經注疏
春秋左傳四十六
昭公
三

二十六年傳言吳伐楚克棘四年傳夏五月癸亥王縊于芊尹申亥氏癸亥五月二十

言吳伐楚入棘以棘為邑或是也丙辰後傳終言之經書疏注癸亥至月誤。正義曰此癸亥之日實在乙卯丙辰之後傳先言

四月誤。縊於跋反而乙卯丙辰亦是五月之日雖則言有顛倒即令蒙此五月之文也劉炫云杜此注經書四月誤

案上經注云靈王實以五月死楚人生失靈王本其始禍以赴兩注不同以為杜非今知不然者

以其生失靈王不知死在五月遂以四月始禍言靈王之死是其錯誤之事於文似異義實一也劉以為二注文異而規杜氏非也申亥以其二女殉而葬

之觀從謂子干曰本或作謂子干曰不殺弃疾雖得國猶受禍也子干曰

余不忍也子玉曰人將忍子子玉吾不忍俟也乃行國每夜駭曰王入矣

相恐以靈王也。駭戶乙卯夜弃疾使周走而呼曰王至矣周徧也乙卯十八日。呼好故反下同徧音遍

國人大驚使蔓成然走告子干子皙曰王至矣國人殺君司馬將來矣

司馬謂弃疾也言司馬見殺以恐子干君若早自圖也可以無辱眾怒如水火焉不可為謀又有

呼而走至者曰眾至矣二子皆自殺不書弑君位未定也。弑申志反丙辰弃疾即位名曰

熊居葬子干于訾實訾敖不成君無號諡者楚疏注不成至之敖正義曰郝敖與此訾

王于郝謂之郝敖此云葬子干于訾實訾敖並以地名冠敖未知其故殺囚衣之王服而流

諸漢乃取而葬之以靖國人使子旗為令尹子旗蔓成然。衣楚師還自徐

前年圍徐之師楚師還自徐。正義曰上云師及訾梁而潰此又云楚師還自徐者上吳人敗諸

豫章獲其五帥定二年楚人伐吳師于豫章吳人見舟于豫章而潛師于巢以軍楚師於

淮水南蓋後徙在江南豫章。五帥所類反謂蕩侯潛平王封陳蔡復遷邑
復九年
疏

子司馬襲鄢尹午陵尹喜五人見賢過反納如銳反致羣賂
始舉事時所

注復九年所遷邑。正義曰成十五年許遷于葉九年傳云遷城父人於致羣賂
貨賂。賂音

路施舍寬民宥罪舉職
舉職脩廢官
召觀從王曰唯爾所欲
今召用之明在君為

君之義。對曰臣之先佐開卜乃使為卜尹佐卜人
開龜兆
使枝如子躬聘于鄭且致

犖櫟之田犖櫟本鄭邑楚中取之平王新
立故還以賂鄭。櫟力狄反
事畢弗致知鄭自說服不復須賂故。說
鄭

人請曰聞諸道路將命寡君以犖櫟敢請命對曰臣未聞命既復王問

犖櫟降服而對降服如今解
冠也謝違命
曰臣過失命未之致也王執其手曰子毋勤

姑歸不穀有事其告子也王善其有權有事將
疏
臣過至致也。正義曰言臣罪過

子母勤。正義曰言子母以見使為勤勞
他年辛尹申亥以王樞告乃改葬之初靈王卜曰余尚得

天下尙庶幾。
疏
尙得天下。正義曰言

區區小天下。詭本又作詢呼互反徐許不吉投龜詬天而呼曰是區區者而不余畀

右反呼火故反畀必利反徐甫至反與也余必自取之民患王之無厭也故從亂如

歸初共王無冢適冢大也。厭於鹽反共音
有寵子五人無適立焉乃大有事

于羣望羣望星
疏
注羣望星辰山川。正義曰楚語云天子徧祀羣神諸侯祀天地三辰及

野山川而已又元年傳云辰為商星參為晉星是諸侯得祭分野之星知此羣望是星辰山川也
於十二次鶉尾為楚當祀翼軫之星及其國內山川哀六年傳曰江漢雖漳楚之望也其山蓋荆
山衡山而祈曰請神擇於五人者使主社稷乃徧以璧見於羣望曰當璧
之類

而拜者神所立也誰敢違之既乃與巴姬密埋璧於大室之庭

巴姬共王妾大室祖廟。

徧音遍見賢遍反下注微見同巴必加反埋亡皆反大室音泰

疏

徧以璧。正義曰謂以一璧徧見諸神若神各一璧乃多明無不當其上。注巴姬共王妾。正義曰知者襄十二年傳

云楚司馬子庚聘于秦為夫人寧禮也彼秦女是夫人明巴姬是妾

使五人齊而長人拜

從長幼以次拜。齊側皆反本又作齋長丁丈反注及下同

王跨之

過其上。跨苦化反

靈王肘加焉子干子皙皆遠之平王弱抱而入再拜皆

厭紐

微見璧紐以為審識。肘中九反遠于萬反厭於甲反徐又於輒反紐女九反識申志反又如字

鬪韋龜屬成然焉

知其將立故託其子。屬音燭

且曰弃禮違命楚其危哉

奔立長之禮違當璧之命終致靈王之亂

子干歸韓宣子問於叔向曰子

干其濟乎對曰難宣子曰同惡相求如市賈焉何難

宣子謂弃疾親恃子干共同好惡故言如市賈同利以相

求。賈音古好惡並如字又上呼報反下烏路反下皆倣此

對曰無與同好誰與同惡

言弃疾本不與子干同好則亦不得同惡取國有

五難有寵而無人一也

寵須賢人而固

有人而無主二也

雖有賢人當須內主為應。應應對之應

有主而無

謀三也

謀策

有謀而無民四也

衆

有民而無德五也

四者既備當以德成

子干在晉十

三年矣晉楚之從不聞達者可謂無人

晉楚之士從子干游皆非達人

族盡親叛可謂無主

無親族在楚

無釁而動可謂無謀

召子干時楚未有釁許靳反

為羈終世可謂無民

終身羈客在晉是無民

亡無愛徵可謂無德

楚人無愛念之者

疏

亡無愛徵。正義曰子干之亡楚人無愛念之徵驗也

王虐而不忌

靈王暴虐

無所畏忌將自亡

楚君子干涉五難以弑舊君誰能濟之

言楚借君子干以弑靈王終無能成

有楚國者其

弃疾乎君陳蔡城外屬焉

城方城也時穿封戌既死弃疾并領陳事

苛慝不作盜賊伏隱私欲不違

不以私欲違民事。詩音何本。
民無怨心先神命之
先神謂羣望
疏
先神命之。正義曰楚國既封即有三望三望

起於先代。
國民信之
姓有亂必季實立楚之常也獲神一也
當璧拜。有民

二也
民信
令德三也
無苛
寵貴四也
貴妃
居常五也
弃疾
有五利以去五

難誰能害之子干之官則右尹也數其貴寵則庶子也以神所命則又遠

之其貴亡矣
位不尊。去起呂反數所主反
其寵弃矣
父既沒故
疏
其貴至棄矣。正義曰

其寵愛之者又棄矣然則父死棄疾寵亦棄獨言子干者
民無懷焉
非令
國無與焉
無內主

將何以立宣子曰齊桓晉文不亦是乎
皆庶
對曰齊桓衛姬之子也有

寵於僖
衛姬齊僖公妾
有鮑叔牙賓須無隰朋以為輔佐有莒衛以為外主
齊桓出奔

莒衛有舅
有國高以為內主
國氏高氏
疏
注國氏高氏。正義曰僖十二年傳

如流
言其疾也
下善齊肅
齊嚴也肅敬也。下還
不藏賄
清也。賄呼罪反
不從欲
儉也。從子用反
施

舍不倦
施舍猶言布恩德
求善不厭是以有國不亦宜乎我先君文公狐季姬之子

也有寵於獻好學而不貳
言篤志。厭於
生十七年有士五人
狐偃趙衰顓頊魏武子司空季子五士從

出。衰初危反韻
有先大夫子餘子犯以為腹心
子餘趙衰子犯狐偃
有魏犢賈佗以為

股肱
魏犢魏武子也稱五人而說四士賈佗
疏
注魏犢至所賢。正義曰上言五人直舉其

者佗以公族從文公不在五人之數
有齊宋秦楚以為外主
齊妻以女宋贈以馬楚王

也蓋叔向言之意所將為賢即言之
齊宋秦楚以為外主
齊妻以女宋贈以馬楚王
十三經注疏
春秋左傳四十六 昭公 五

反有樂卻狐先以為內主

謂樂枝卻穀狐突先軫也。樂魯官反卻夫逆反穀戶木反。

亡十九年守志彌篤

惠懷弃民

惠公懷公不恤民也。

民從而與之獻無異親民無異望

獻公之子九人唯文公在。

天方相

晉將何以代文此二君者異於子干共有寵子國有奧主

謂弃疾也。相息亮反下同共音恭。

奧鳥報反。

國有奧主。正義曰室內西南隅謂之奧。奧是內之義奧主國內之主故謂弃疾也。

無施於民無援於外去晉而不送

歸楚而不逆何以冀國

傳言子干所以蒙弑君之名弃疾所以得國。施式政反。

晉成虢祁

在八年。虢音斯。

諸侯

朝而歸者皆有貳心

賤其奢也。

為取鄭故

取鄭在十年。為于偽反鄭亡杏反。

晉將以諸侯來討叔

向曰諸侯不可以不示威

知晉德薄欲以威服之。

乃並徵會告于吳秋晉侯會吳子于

良

下邳有良城縣。邳皮悲反。

水道不可吳子辭乃還

辭不會。

疏

水道不可。正義曰吳地水行故謂水道不可謂水路不通吳子既

辭晉侯乃還向平丘之會。

七月丙寅治兵于邾南甲車四千乘

三十萬人。乘繩證反下及注皆同。

羊舌鮒攝

司馬

鮒叔向弟也攝兼官。鮒音附。

遂合諸侯于平丘子產子大叔相鄭伯以會子產以幄

幕九張行

幄幕軍旅之帳。幄於角反幕音莫四合象宮室曰幄在上曰幕。

疏

幄幕九張。正義曰周禮幕人掌帷幕幄布綬之事鄭玄云王出宮則有是事在旁曰帷

在上曰幕皆以布為之四合象宮室曰幄王所居之帳也布玉在幕若幄中坐上承塵幄皆以繪為之凡四物者以綬連繫焉然則幕與幄異幕大而幄小幄在幕下張之幄幕九張蓋九幄九

幕也。子大叔以四十既而悔之每舍損焉及會亦如之

亦九張也傳言子產次之適宜大叔之從善。

于衛地叔鮒求貨於衛淫芻蕘者

欲使衛患之而致貨。芻初俱反說文云刈草也蕘如遙反飼牲曰芻草薪曰蕘。

疏

正義曰周禮充人掌繫祭祀之牲牲祀五帝則繫于牢芻之三月說文云蕘薪也從升然則芻者飼牛馬之草也蕘者共燃火之草也。

衛人使屠伯饋叔向

羹與一篋錦屠伯衛大夫。屠音徒。其位反篋苦協反。曰諸侯事晉未敢攜貳況衛在君之宇下屋宇

之下喻而敢有異志芻蕘者異於他日敢請之請止叔向受羹反錦受羹示不逆其

意且曰晉有羊舌鮒者瀆貨無厭瀆數也。瀆徒木反。厭於鹽反數音朔。亦將及矣將及禍為此役也

非貨役事也。為如字或于偽反。疏為此役。正義曰言叔鮒為此淫芻蕘之事也。子若以君命賜之其已客從之未退而禁

之禁芻蕘者晉人將尋盟齊人不可有貳晉侯使叔向告劉獻公獻公王卿士劉子曰抑

齊人不盟若之何對曰盟以底信底致也。底音旨。君苟有信諸侯不貳何患焉

告之以文辭董之以武師雖齊不許君庸多矣董督也。庸功也。討之有辭故功多也。疏董督至多也正

義曰釋詁云董督正也是董為督也又云庸勞勞亦功也。討之有辭則前敵易克故功多也。天子之老請帥王賦元戎十乘以先

啓行天子大夫稱老元戎戎車。稱天子之老。正義曰上注云獻公王卿士此注云天子大夫在前者啓開也行道也。疏稱老老者是大夫之摠名詩云方叔元老毛傳云方叔卿士

命而為將是卿士稱老也曲禮云五官之長曰伯自稱於諸侯曰天子之老彼謂三公也如彼文則三公乃得稱天子之老卿亦得稱老者彼說三公之事言三公之自稱耳不言卿之自稱不得

同三公也曲禮又云諸侯使人於諸侯使者曰寡君之老諸侯之使尚得稱老明知天子之卿得稱天子之老也。元戎至啓行。正義曰詩小雅六月之篇也元大也大戎戎車之大在軍前者

也啓開行道常訓耳遲速唯君欲佐晉討齊叔向告于齊曰諸侯求盟已在此矣今君弗利

寡君以為請對曰諸侯討貳則有尋盟若皆用命何盟之尋託用命以拒晉叔向

曰國家之敗有事而無業事則不經業貢賦之業有業而無禮經則不序須禮而有

次有禮而無威序則不共禮須威嚴而後共有威而不昭共則不明威須昭告神明而後信義著

不明弃共百事不終所由傾覆也

信義不明則弃威不威弃禮無禮無經無經無業故百事不成。覆芳服反。

是故明

王之制使諸侯歲聘以志業

志識也歲聘以脩其職業

間朝以講禮

三年而一朝正班爵之義率長幼之序。間間廁之

間長丁丈反

再朝而會以示威

六年而一會以訓上下之則制財用之節

再會而盟以顯昭明

十二年而一盟所以昭信

義也凡聘四朝再會王一巡守盟于方嶽之下。守手又反嶽音岳

志業於好

聘也。好呼報反下注同好

講禮於等

朝也示威於眾

會昭明於神

也

自古以來未之或失也存亡之道恒由是興晉禮主盟

依先王先公舊禮主諸侯盟

懼有不治奉承齊犧

齊盟之犧牲。治直吏反舊如字犧許宜反

而布諸君求終事也

終竟也

君曰余必廢之何齊之有唯君圖之寡君聞命矣齊人懼對曰小國言

之大國制之敢不聽從既聞命矣敬共以往遲速唯君叔向曰諸侯有間

矣

間隙也

叔向至命矣。正義曰叔向此言論聘朝會盟四事意在言盟并說會朝聘為次序耳國家之所以敗也有交好之事而無貢賦之業交好之事不得常矣有貢賦之常

而無上下之禮事雖有常則不次序矣有上下之禮而無可畏之威雖有次序則不共敬矣有可畏之威而不昭告神明雖為共敬則不明著矣信義不明棄共敬也承事不共敬棄次序也班位

不序棄常度也徵命不常棄事宜也事既棄矣則百事不終國家所由傾覆只為此也聖人知其不可是故明王之制使諸侯每歲令大夫一聘天子以志識貢賦之業間一歲諸侯親自入朝以

講習上下之禮天子於諸侯再朝而一大會以示可畏之威再會而一為盟誓以顯諸侯之昭明者也志識貢賦之業在於交好故使聘也講習上下之禮在於等差故使朝也示可畏之威在於

眾聚故為會也昭明德之信在於告神故為盟也自古以來遵行此法未之有失也國家存亡之道恒由是興為之則存廢之則亡存亡起於此也今晉以先王之禮主諸侯之盟懼諸侯之事有

不治理者奉承齊盟所用之犧牲以來至此而布諸齊君求終竟盟約之事也君言曰今余必廢之何齊盟之有必如此語唯君自圖謀之寡君聞君之命矣言晉知齊必背盟即欲與之戰。注

業貢賦之業。正義曰下句覆述此事云歲聘以志業每年聘者所以共貢賦耳知此業者是貢賦之業也下云志業於好說聘事而謂之好則好謂交好諸侯天子雖尊卑不同亦是交好然

則有事者謂有交好之事也不經者經訓常也謂交好不常也或聘不以時或貢賦不充是不常也。注咸須至義著。正義曰昭亦明也昭爲昭告神祇明謂信義明著言會雖示威威猶未著必須昭告神明以要束其心而後天子信義始得明著於天下矣。注信義至不成。正義曰杜以信義不明威無可畏則是棄威也不畏威則禮不行是棄禮也無禮則無經無經則無業故百事所以不成劉炫以此傳四文皆緣上事而致下事其上則事業禮威所致則經序共明傳既言不明棄共自然當云不共棄序不序棄經不經棄事今杜云不明則棄威不威棄禮無禮無經無經無業以杜違背傳文而規杜失今知劉義非者杜以不明棄共不共棄序不序棄經不經棄事自是傳文分明但傳云百事不終明知非徒棄共棄序其威禮亦棄也杜與傳共爲表裏非是違傳劉不解杜意妄爲規過謬矣。注志識至職業。正義曰志是記識故爲識也歲歲使於天子所以獻其貢賦令諸國各自記其職貢是脩其職業也。注三年至之序。正義曰間朝者據聘爲言也既云歲聘因從聘歲爲始更間一年乃朝故知間朝是三年而一朝也朝以正班爵之義率長幼之序與下注會以訓上下之則制財用之節皆莊二十三年傳文也。注十二至之下。正義曰顯昭明三字皆爲明也十二年而爲一盟者大明黜陟之法諸侯之有明德者表顯升進之於此盟以光顯諸侯有昭明之德者告誓神明所以昭明王之信義以示黜陟必有信也計此十二年間凡八聘四朝再會一盟方嶽之下也尙書周官曰六年五服一朝又六年王乃時巡考制度于四岳諸侯各朝于方岳大明黜陟如彼文六年五服諸侯一時朝王卽此再朝而會是也此傳之文與尙書正合杜言巡守盟于方嶽間與彼義符同明此是周典之舊法也而周禮之文不載此法大行人云侯服歲壹見其貢祀物甸服二歲壹見其貢嬪物男服三歲壹見其貢器物采服四歲壹見其貢服物衛服五歲壹見其貢材物要服六歲壹見其貢貨物先儒說周禮者皆以彼爲六服諸侯各以服數來朝與此傳文無由得合先達通儒未有解者古書亡滅不可備知然則尙書周官是成王號令之辭尙書之言定是正法左氏復與彼合言必不虛周禮又是明文不得不信蓋周公成王之時卽自有此二法也又周禮每歲壹見唯言貢物何必見者卽是親朝各計道路短長或當遣使貢耳先儒謂彼爲朝未有明據大行人又云十有二歲王巡守殷國巡守之歲周禮同於尙書六年一朝尙書何以違禮又大宗伯云時見曰會殷見曰同鄭玄以爲時見無常期也諸侯有不順服者王將有征討之事合諸侯而命事焉十二歲王如不巡守則六服盡朝謂之殷見鄭以時見無常期者出自鄭之意耳非有明文可據也殷見是此再會而盟時見當此再朝而會未必卽如鄭說時見爲無常期也蓋此傳及尙書是正禮也大行人歲壹見者是遣使貢物非親朝也今此上聘朝會雖以爲諸侯於天子之禮然諸侯相朝亦當然也故云志業於好講禮於等示威於衆其昭明於神雖天子於諸侯之禮然王官之伯及霸主亦得與諸侯爲盟故晉爲盟主以此告齊令齊受盟也必知此朝聘文兼諸侯者以釋例引明王之制八聘四朝

云文襄之制因而簡之三歲而聘五歲而朝以諸侯為文明歲聘間朝兼諸侯相朝也知盟年朝會俱行者以傳云再朝而會云云故知盟年朝會不廢也又云歲聘以志業不言再聘以行朝故知朝年不行聘禮但以朝聘君臣不等盟會敵禮相當故朝年不行聘盟年得有朝會知有盟者傳云同盟至故也。小國言之。正義曰申上不用尋盟之意也其意是小國言之不可則大國制之也大國謂其須盟言已不敢違也。不可以不示眾八月辛未治兵習戰建而不旆建立旌旗不曳其旆旆游也。

旆步注建立至游也。正義曰釋天云繼廣充幅長尋曰旆繼旆曰旆郭璞曰帛續旆末為具反。**疏**燕尾者然則旆謂旆身旆謂旆尾旆綴於旆本是相連之物非別體也而不曳其旆當

纏繼於千頭蓋如禮記所云德車結旌也釋天又云練旆九周禮所謂九游七游游即是旆故云旆游也然郭氏既云旆繼於旆今之燕尾即旆是旆未然天子十有二游并屬於一幅之廣於理不可蓋游數多者旁綴於繆如今之王申復旆之諸侯畏之。軍將戰則旆故曳旆以恐之旗是也其軍前之旆如郭璞之說。

同疏注軍將至恐之。正義曰本作旆者為舒而曳之以為容飾結之為非常曳之為得常復旆之者曳之為復常也軍法戰則舒旆晉人舒旆似其將戰故曳旆以恐之諸侯見其曳

旆而皆畏之。邾人莒人懇于晉曰魯朝夕伐我幾亡矣自昭公即位邾魯同好又不朝夕伐莒無故怨懇晉人信之所

謂讒慝弘多。懇音素。朝夕如字注同幾音祈。**疏**注自昭至伐莒。正義曰三年傳穆子云曹滕二邾實不忘我好又無相伐之事是昭公即位邾魯同好也不朝夕伐莒者案元年十年

再伐莒耳是。我之不共魯故之以不共晉貢以魯故也。共音恭注及下注同。晉侯不見公使叔向來

辭曰諸侯將以甲戌盟寡君知不得事君矣請君無勤託謙辭以絕魯。子服惠伯

對曰君信蠻夷之訴蠻夷謂邾莒。以絕兄弟之國弃周公之後亦惟君寡君聞命

矣叔向曰寡君有甲車四千乘在雖以無道行之必可畏也況其率道其

何敵之有牛雖瘠僨於豚上其畏不死僨仆也。瘠在亦反僨方問反仆音付一音蒲北反。**疏**注僨仆也。正義曰前覆

曰仆言牛倒豚上豚必死也言牛雖瘠者謂魯以晉為無德輕之故以瘦牛自喻。南蒯子仲之憂其庸可弃乎弃猶忘也。若奉

晉之眾用諸侯之師因邾莒杞鄆之怒四國近魯數以小事相忿邾已滅其民猶存故并以恐魯。鄆才陵反近附近之近

數音以討魯罪間其二憂因南蒯子仲二憂為間隙何求而弗克魯人懼聽命不敢與盟。與音預下文

不與甲戌同盟于平丘齊服也經所以稱同令諸侯日中造于除除地為壇盟會處造七報反壇本

或作暉音善癸酉退朝先盟朝晉先悉薦反子產命外僕速張於除張幄幕子大叔止

之使待明日及夕子產聞其未張也使速往乃無所張矣地已滿也傳言子產每事敏於大叔

及盟子產爭承承貢賦之次疏注承貢賦之次。正義曰承者奉上之語後承前下承上故

下故言爭承也鄭眾云爭所為承次貢賦之輕。曰昔天子班貢輕重以列列位也列尊貢重周之制也

公侯地廣故疏注公侯至者多。正義曰周禮大司徒云公地方五百里其食者半侯地方四

所貢者多疏注公侯至者多。正義曰周禮大司徒云公地方五百里其食者半侯地方四

一鄭康成注云食者必足其國禮俗喪紀祭祀之用乃貢其餘上公之地以一易侯伯之地以再

易子男之地以三易是上公優饒其半以為荒萊之地侯伯優饒其三分之一子男優饒其四分

之三是大國優饒少而出貢多小國優饒多而出貢少假令大國小國其地卑而貢重者甸

美惡一種則地多者貢多地少者貢少故杜云公侯地廣所貢者多是也

服也甸服謂天子畿內共職貢者疏注甸服至貢者。正義曰禹貢云五百里甸服孔安國云規方千里之內謂之甸服為天子服治田去王城面五百里王制云千里之內

曰甸鄭立云服治田出穀稅是甸服謂天子畿內也畿內於京師路近令其共正職貢故貢重也

言卑而貢重者畿內有公卿大夫之采邑公八命卿六命大夫四命其列位卑於畿外公侯伯子男也周禮小司徒鄭注云井田之法備於一同今止於都者采地食者皆四之一其制三等百里之國凡四都一都之田稅入於王五十里之國凡四縣一縣之田稅入於王二十五里之國凡四甸一甸之田稅入於王食采者卑與尊同故云鄭伯男也而使從公侯之貢言鄭國在甸服外爵卑而貢重也畿外之國則卑者貢輕尊者貢重

列伯子男不應出公侯之貢疏注言鄭至之貢。正義曰鄭伯男也舊有多說鄭眾服虔云鄭伯爵在男服也周禮男服在三距王城千五百里鄭去京師不容此數賈逵云男當作南

十三經注疏春秋左傳四十六昭公